

SCRIPT OF MORNING GOJRI NEWS BULLETIN 5DEC 2025 1015HRS

مارننگ گوجری نیوز بولٹن 5 دسمبر 2025

یوہ آکاشوانی جموں ہے محمد اکرم تیں خبر سُنو۔

LG APCON

لیفٹیننٹ گورنر منوج سنہا نے مصنوعی ذہانت تے بڑا ڈیٹا گا تجربہ نانہہ درستگی تے رفتار واسطے تشخیصی عمل مانہہ ضم کرن تے سائنس تے طب غے درمیان پُل نانہہ مضبوط بنان غی ضرورت ور لوکھلی لیفٹیننٹ گورنر منوج سنہا نے پیٹھالاجسٹ تے مائیکروبایو لاجسٹ گی بھارتی تنظیم تے انڈین اکیڈمی آف پیٹھالاجسٹ انڈین ڈویژن غی 73 ویں سالانہ کانفرنس گا افتتاحی اجلاس ناہ خطاب مانہہ کہیو جے صحت گی دیکھ بھال گا نظام تشخیصی درستگی نانہہ بدا تے علاج واسطے وقت نانہہ کھٹ کرن ور توجی مرکوز کرنی چاہیے اس 5 روزہ سالانہ کانفرنس گو موضوع پیٹھالوجی مانہہ اُبھرتا واں رجانات موریتھالوجی تیں مالیکیولر توڑی تھو جس نے معرورف پیٹھالاجسٹ تے مائیکروبایو لاجسٹ نانہہ اکٹھو کیو۔

CM UNEMPLOYMENT

وزیر اعلیٰ عمر عبداللہ نے اس گل نانہہ دوہرایو ہے کہ بے روزگاری نانہہ صرف سرکاری ملازمتاں نال ہی حل مہیا کیو جاسکے وزیر اعلیٰ نے یاہ گل بڈگام مانہہ ضلعی جائیزہ اجلاس گی صدارت کرتا واں کہی اُنہاں نے کہیو کہ انتظامیہ نے نوجواں توڑی پُجنو چاہیے مشن یووا گی کامیابی گی کہانیاں نانہہ عام کرنو چاہیے تے زیادہ تیں زیادہ نوجوانا نانہہ خود روزگار تے کاروبار کر گی ترغیب دینی چاہیے وزیر اعلیٰ نے سرمایہ کاری واسطے ریاستاں نانہہ خصوصی امداد گے تحت بروقت اخراجات غی اہمیت ور وی لوکھلی اُنہاں نے کہیو ہے جے اس سکیم غے تحت 80 فی صد منڈر نانہہ ایک مخصوص مدت گے اندر خرچ کرن گی ضرورت ہے تانجے ضبطی تیں بچیو جاسکے۔

CM DEVP PROJECTS

وزیر اعلیٰ عمر عبداللہ ے کل بڈگام ضلع ماہہ تقریباً 1 سو کروڑ روپیاں گا ترقیاتی منصوباں گا سلسلہ وار افتتاح کیا تے سنگ بُنیاد رکھی منصوباں مانہہ گڈساتھو۔ دریگنز، درنگ، گتھ، ونپورا، قاضی پورہ، اوان پورہ راہ گریٹھ، چکماری، کالونی نوو بیگ، ڈیلی پورا بانڈی پورہ تے زلوسا مانہہ پانی غی فراہمی گی متعدد اسکیم شامل ہیں اس تیں علاوہ وزیر اعلیٰ نے کڑیر سطحی گڈی پارکنگ گی سہولیت گا کماں غو وی افتتاح کیو تے نال ہی کڈلبل لسگن سڑک گی بہتری کرن گو اعلان کیو تے بیرواہ مانہہ نالہ سکھ ناگ ور 2 بائی 35 میٹر سٹیل ٹرس پُل گی تعمیر گو وی سنگ بُنیاد رکھیو۔

SATISH CHHAMB VISIT

آمدرفت بارے وزیر ستیش شرما نے کل چھپ حلقہ گا بکھ بکھ علاقوں تے اس غے فال علاقوں گو دورو کرگے سرکاری بُنیادی ڈھانچہ گو معائنو کیو اُنہاں نے اس دوران علاقہ مانہ عوامی خدمات گو جائزو لیو جن علاقوں گو دورو کیو گیو اُن مانہ چوکی چورہ سندر بنی نیلی نالہ مالا بروٹ نتھل ڈوری ڈگیر تے اُن گو اطراف شامل ہے وزیر نے اسکول گی عمارتاں سرکاری دفاتر تے عالمی خدمات گو معائنو کرتا وا تعلیمی سہولیات عمل غی دستیابی صفائی ستھرائی تے بُنیادی سہولیات گو جائزو لیو مقامی لوکاں نال گل بات کرتا واں وزیر موصوف نے کہیو کہ حکومت غی سب تیں بڑی توجہ سڑکاں گی حالت نانہ بہتر بنانو پین گا پانی گی کمی تے دیگر عوامی شکایات نانہ دور کرنو ہے۔

CS SOLAR PARK

چیف سیکرٹری اٹل ڈلو ے وزارت تے قابل تجدید توانائی سولر پارک سکیم گے تحت جموں کشمیر مانہ بڑا پیمانہ ور سولکر پارک گا قیام واسطے امکان پزیری گو جائزو لین واسطے ایک میٹنگ غی صدارت کرتا واں صوبائی انتظامیہ نانہ ہدایت دتی کہ وے منصوباں واسطے موزواں روکاوت توں مفت زمین غی شناخت نانہ بہتر کریں جناب ڈلو نے محکمہ سائنس تے تحکیک گی ہون تک گی پیش رفت تے اس اقدام نانہ اگے بدان واسطے ضروری طریقہ کار گی تشکیل نانہ سہرايو۔ اُنہاں نے اس گل ور زور دتو کہ شمسی توانائی گو استعمال جموں کشمیر گا قابل تجدید توانائی گا پورٹ فولیو نانہ مضبوط بناوے گو۔ تے جی ور روایتی دارومدار کھٹ کرن مانہ اہم صابت وے غو۔

DGP SECURITY REVIEW

پولیس غا ڈائریکٹر جنرل نلین پرہات نے گزشتہ روز ادھمپور گو دورو کیو تے اُت پہاڑی پٹی مانہ جاری کاروائی تے مجموعی حفاظتی صورتحال گو جائزو لیو آکاشوانی جموں گا نامہ نگار نے اطلاع دتی ہے کہ اندرونی تے سرحدی علاقوں مانہ تھلے غی سطح ور پولیس تے حفاظتی دستہ تک پجن واسطے ڈی جی پی نے اپنا دورہ گے دوران جاری کاروائیاں گو جائزو لیو تے تمام افواج گا افسراں گے نال ایک میٹنگ گی صدارت کی اُنہا نے عوام گا اعتماد نانہ بدھان واسطے مضبوط برادری غی شمولیت بہتر رسائی تے فوری شکایات گا ازالہ ور زور پایو ڈی جی پی گے ہمراہ آئی جی پی جموں بی ایس ٹوٹی آئی جی سی آر پی ایف، گوپال راو، ایس ایس پی ادھمپور، اموڈ ناگ پورے تے سی آر پی ایف تے فوج گا باقی افسر وی موجود تھا۔
